

晉記卷六十四

十六國錄

蕭山郭倫撰

後秦

姚弋仲

姚襄

姚萇

姚興

姚泓

姚弋仲，南安赤亭羌人也。其先蓋有虞氏之苗裔。禹封舜少子於西戎，世爲羌酋。其後燒當雄於洮罕之間。當七世孫填虞，漢中元末寇擾西州，爲楊虛侯馬武所敗，徙出塞北。虞九世孫遷那率種人內附，拜西羌校尉，歸順王處之於南安赤亭。那元孫柯迴爲魏鎮西將軍，綏戎校尉，西羌都督，迴生弋仲，少大度，不

營產業。永嘉之亂，東徙榆眉，戎夏襁負隨之者數萬。自稱護西羌校尉扶風公劉曜之平陳安也。以弋仲為平西將軍，封平襄侯，邑之於隴上。石虎克上邽，弋仲說虎曰：隴上多豪，而秦風猛勁，道隆後服。道滂先叛，今宜徙其豪彊以實畿甸。虎心然之，啓勒拜弋仲安西將軍，六夷左都督，勒卒。虎遂徙秦雍豪傑於關東。弋仲帥步衆四萬，遷於清河，拜西羌大都督，封襄平縣公。虎廢石宏而自立，弋仲稱疾不賀，累召之，乃赴正色，謂虎曰：弋仲常謂大王命世英雄，奈何把臂受託而奪之乎？虎雖不悅，然察其彊正，弗責也。遷持

節十郡六夷大都督冠軍大將軍弋仲清儉鯁直不
修威儀公卿皆憚之梁犢敗李農於滎陽虎懼馳召
弋仲弋仲以八千餘人擊斬梁犢以功加劍履上殿
入朝不趨進封平西郡公冉閔篡趙弋仲率衆討閔
次於混橋石祇稱帝於襄國以弋仲爲右丞相祇閔
相攻弋仲使子襄救祇戒襄曰汝才十倍於閔若不
梟閔無我見也遣使於燕燕使悅綰將兵三萬會襄
擊閔於常盧澤大破之而歸弋仲怒襄不擒閔杖之
一百弋仲有子四十二人常戒諸子曰吾本以晉室
大亂石氏待吾厚故欲討其賊臣以報德今石氏已

晉書 卷之二十四 十
滅中原無主。我死汝當歸。晉永和七年，乃遣使請降。穆帝拜弋仲爲車騎大將軍，儀同三司，大單于，高陵郡公。八年春卒，年七十三。子襄入關，苻生敗之，獲弋仲，柩以王禮葬之於天水冀縣。襄稱帝，追諡曰景元皇帝，置園邑五百家。

襄字景國，弋仲之第五子也。身長八尺五寸，臂垂過膝。雄武寬明，士衆愛之。弋仲之爲高陵公也，亦拜襄爲并州刺史，卽邱縣公。弋仲死，襄祕不發喪，率戶六萬南攻陽平元城，發千皆破之，殺掠三千餘家，屯碣磔津。以太原王亮爲長史，天水尹赤爲司馬，太原薛

讚略陽權翼爲參軍。南至滎陽。始發喪。與高平李歷戰於麻田。馬中流矢而敗。晉處襄於譙城。使五弟爲任。匹馬渡淮。見豫州刺史謝尙於壽春。尙去仗衛。幅巾相見。襄少好學。有高名。雅善談論。尙一見如舊。懽然相得。徙屯歷陽。襄以燕秦方彊。夾淮與屯田。勵將士。而中軍將軍殷浩忌之。因襄諸弟。遣刺客殺襄。不得密。使魏憬率五千餘人襲襄。襄斬憬。而并其衆。浩乃遣將軍劉啓守譙。遷襄於梁國蠡臺。表授梁國內史。平北將軍襄益疑懼。使參軍權翼詣浩。浩曰。身與姚平北共爲王臣。而平北舉動自專。何邪。翼曰。平北

英姿絕世。以朝廷有道。宰輔明哲。擁數萬衆而遠歸。晉室。今將軍輕信讒言。自生疑貳。猜嫌之端。在此不在彼也。浩曰。平北縱小人竊吾馬。王臣固若是邪。翼曰。將軍謂平北雄武難制。恐終不相容。取馬者欲以自衛耳。浩曰。豈有是邪。旣而浩興師伐秦。以襄爲前驅。襄乃擊浩於山桑。收其器仗。浩使劉啓。王彬之擊襄。襄自淮南擊滅啓等。濟淮屯於盱眙。招致流人衆至七萬。分置守宰。勸課農桑。流人郭斲等。執堂邑內史劉仕降襄。朝廷大震。以吏部尙書周閔爲中軍將軍。沿江備守。襄將佐部衆皆北人。勸襄北還。永和十

一年乃自稱大將軍大單于進攻外黃十二年據許昌將如河東以圖關右遂自許攻洛陽大將軍桓溫自江陵伐襄戰於伊水之北襄敗率麾下數千騎奔北山其夜百姓棄妻子隨襄者五千餘人屯據陽鄉赴者又四千餘戶襄前後喪敗數矣衆知襄所在輒扶老攜幼奔馳而赴之時或傳襄創重不濟溫軍所得士女莫不揮涕北望其得物情如此時人以爲孫策之儔襄尋徙北屈進屯杏城使從兄姚蘭略地鄜城兄姚益將王欽盧招集北地戎夏歸之者五萬餘戶苻生使苻飛擊蘭虜之襄進據黃洛秦苻堅鄧羌

晉書 卷之二十四
邀之戰於三原。軍敗，爲堅所殺。年二十七。是歲，升平元年四月也。秦以公禮葬之。萇，追諡爲魏武王。封其孫延定爲東城侯。

萇，字景茂，弋仲之二十四子也。少多權略，而廓落任率。諸兄皆奇之。隨襄征伐，每參大謀。襄死，萇率諸弟降秦，拜萇揚武將軍、步兵校尉，封益都侯。爲秦將，累有大功。太元八年，秦大舉入寇，以萇爲龍驤將軍、督益梁諸軍。秦王謂之曰：「朕以龍驤建業，未嘗輕以假人。卿其勉之。」左將軍竇衝進曰：「王者無戲言。陛下何爲而出此？」王默然。旣敗於淮南，慕容泓起兵叛秦，鉅

鹿公獻討之。以萇爲司馬。獻不聽萇而戰死。萇使龍驤長史趙都謝罪。王大怒。殺都。萇懼。奔渭北。遂如馬牧。西州豪族尹詳、趙曜、王欽、盧牛、雙狄、廣張、乾等。率五萬家。推萇爲盟主。遂以太元九年夏四月。自稱大將軍。大單于。萬年秦王。改元白雀。以天水尹詳、南安龐演爲左右長史。姚晃、尹緯爲左右司馬。時慕容沖與秦相攻於長安東。萇將西上。恐沖遏之。遣使通和。以子崇爲質。進屯北地。新平安定羌胡降者十餘萬。秦王率諸將攻之。不能尅。獲秦將楊璧、徐成、毛盛等數十人。皆禮而遣之。萇聞沖攻長安。遂移兵嶺北。略

地至安定嶺北諸城悉降。十年五月，秦王走五將山，
沖入長安。秦司隸校尉權翼、光祿大夫薛讚等奔萇。
八月，萇弑秦王。

丙戌十一年春三月，西燕率衆而東。盧水郝奴稱帝
於長安。渭北盡應之。扶風王麟有衆數千，堡據馬嵬。
奴使弟多攻麟，萇伐麟破之。麟走漢中，執多進攻郝
奴降之。夏四月，萇遂取長安，稱帝大赦，改元建初。
國號秦，改長安曰常安。立妻蛇氏爲后，子興爲太子。
徙安定五千餘戶於長安。秋七月，萇如安定，擊秦
平涼太守金熙。安定都尉沒奔于，遂如秦州。秦略陽

太守王皮來降。九月，秦秦州刺史王統亦降。因饗將士於上邽。以南安古成誥崔氏春秋作吉成誥爲尚書郎弟碩德爲秦州刺史，鎮上邽。

丁亥十二年，秋七月，萇軍隱密，使子興守長安，而與秦王登相距於五亭，敗苻師，奴蘭犢於渥源。冬十二月，萇將姚方成陷徐嵩堡。初，關西豪傑以苻氏數終而萇多雄略，謂天下可旦夕而定。萇旣與苻登相持積年，數爲登所敗，遠近咸懷去就，唯征虜齊難冠軍徐洛生、輔國劉郭單、冠威彌姐婆觸、龍驤趙惡地、鎮北梁國兒竝、雷子弟守營，供繼軍糧，身將精卒。

隨其征伐時諸營既多故號其軍爲大營大營之號自此始也。

戊子十三年冬十一月。其立太學。禮先賢之後。

己丑十四年秋八月。苻登進逼安定。其襲尅登輜重於大界。冬十月。立社稷於長安。其令百姓年七十有德行者。拜爲中大夫。歲賜牛酒。十一月。雷惡地降。拜爲鎮東將軍。

庚寅十五年夏四月。秦將魏褐飛自稱大將軍。衝天。王率氏胡攻姚當。成於杏城。雷惡地應之。攻鎮東姚漢。得於李潤。其欲自將擊之。羣臣皆曰。陛下不憂六

十里苻登乃憂六百里褐飛耶。萇曰：苻登窮寇，非可卒殄。吾城亦非登所能卒圖。惡地多智，非常人也。南引褐飛，東結董成，又得杏城李潤而據之。長安東北非復吾有矣。乃潛軍赴之。當是時，萇衆不滿二千，褐飛惡地衆至數萬。氏胡赴之者，首尾不絕。萇每見一軍至，輒有喜色。羣臣怪而問之。萇曰：使同惡相濟，來會吾，得乘勝席卷一舉而覆之矣。褐飛等以萇兵少，悉衆攻之。萇堅壁不戰，示之以弱。而潛使子崇率騎數百出，褐飛後。褐飛軍驚擾，乃遣鎮遠王超、平遠譚亮率步騎擊之。褐飛衆潰，斬褐飛及首級萬餘。惡地

請降。萇待之如初。惡地每謂人曰：以吾校數諸雄，皆應跨據一方。虎嘯千里，遇姚公而智摧力屈。殆天授也。惡地嚴毅清肅，不可干以非義。嶺北諸豪皆憚之。萇命姚當成於所營之地，每柵孔中樹一木以旌戰功。歲餘，問之當成曰：營地至小，已廣之矣。萇曰：吾自結髮以來，與人戰，未嘗如此之快。以二千兵破三萬衆國之事業，由此克舉，小乃爲奇，大何足貴邪。六月，貳城胡曹寅王達獻馬三千匹，以寅爲并州刺史，達爲金城太守。南羌竇鴛率五千戶來降。萇下書有復私讎者，誅之。將吏滅亡者，各隨所親以立後。賑

紹長育之。

辛卯十六年夏五月苻登攻新平。萇敗之。登退屯於

郿。苟曜

崔氏春秋作苟曜

許登爲內應也。

秦將金槌以新

平來降。萇將數百騎入槌營。羣臣止之。萇曰：槌旣去，

苻登復欲圖我。將安歸哉？吾復以不信待之，何以御

物乎？冬十二月，秦攻安定。萇如陰密，戒太子興曰：

苟曜多詐，聞吾北必來見汝。汝則殺之。曜果見興於

長安，興使尹緯讓而誅之。萇大敗，登於安定東置酒

高會。諸將皆曰：陛下將牢太過。若值魏武王，不令此

賊至今。長笑曰：吾不如亡兄有四。身長八尺五寸，臂

垂過膝。人望而畏之一也。將十萬之衆，與天下爭衡。望麾而進，前無橫陣二也。溫古知今，講論道藝，駕馭英雄，收羅雋異三也。董率大衆，履險如夷，人盡死力四也。所以得建功業，策任羣賢者，正望算略中片長耳。羣臣皆稱萬歲。

壬辰十七年春，令畱臺諸鎮各置學官。三月，萇有疾，使姚碩德鎮李潤，尹緯守長安，召太子興詣行營。姚方成謂興曰：「今寇賊未滅，而上寢疾。」王統、苻允等皆有部曲，終爲人患，不如除之。興乃殺苻允。王統王廣、徐成、毛盛而赴召。興至，萇怒曰：「統兄弟吾州里也。」

無他遠志。徐成等在秦朝。竝爲名將。天下小定。吾方任之。奈何殺之。爲天下者。顧撫納何如耳。若憚而多疑。則誰其可信者哉。萇令兵吏從征伐。戶在大營者。世復其家。

癸巳十八年。秋七月。竇衝叛秦。秦討之。求救於萇。尹緯曰。太子純厚有聞。而英略未著。宜使太子救之。萇乃戒興趣胡空堡。曰。賊徒知汝轉近。必相驅入堡。聚而掩之。無不尅矣。比至堡。衝圍自解。苻登聞。興向胡空堡。果解衝圍。興因襲平涼。大獲而歸。咸如萇戒。冬十二月。萇疾甚。因還長安。見秦王堅。爲祟。翊日召